



Isalathiso: 20170830-4417  
13/2/3

Imibuzo: R van der Horst

INgcaciso eMfutshane yeCandelo loLawulo loVavanyo: 0014/2017

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kwiiNgcali zeMfundo eziziiNtloko, kuBaphathi beeSekethe, kwiiNtloko zoKunika iNkxaso kwiKharithulam, kwiiNtloko zoLawulo noKuphathwa kwaMaziko; kumaSekela eeNgcali zeMfundo eziziiNtloko nakuBaququzeleli boVavanyo, kuBacebisi beZifundo nakwiiNtloko zawo onke amaziko emfundo

**Isihloko: Umnyinyiva wokunyuselwa kwabafundi kwiimeko ezizodwa ukulungiselela abafundi abakwiSigaba saBadala ngo-2017**

1. ISebe leMfundo esiSiseko (ISebe iDBE) lakhupha ngowe-29 Agasti 2017 i-*National Assessment Circular 1 ka-2017*, echaza ukuba kuvunyiwe ukunyuselwa kwabafundi kwiimeko ezizodwa ukulungiselela abafundi abanokuchaphazeleka ngokungalinganga yimfuno emiselweyo enyanzelekileyo yokuphumelela kwiMathematika ngenqanaba 3 (40%), ukupasa ukuya kwibakala elilandelayo.
2. Kwimeko yaxa umfundi ezifezekisile zonke iimfuno ezimiselweyo zokupasa kwibakala ukuya kwelinye elilandelayo (o.k.t. iBakala 7, 8 no-9), ngaphandle kokuba akaphumelelanga ngenqanaba 3 (40%) kwiMathematika ukuze ngoko ke kufuneke ukuba agcinwe kwelo bakala, loo mfundi ulolu hlobo makanyuselwe kwiMathematika.
3. Ihlala isebenza inkqubo yokutshintshwa kwamanqaku apha naphaya njengoko kumiselwe kwiNgcaciso eMfutshane yoLawulo loVavanyo 0020/2015. Oku kuthetha ukuba **makwenziwe kuqala** ukutshintshwa kwamanqaku apha naphaya njengoko kuchaziwe kwiNgcaciso eMfutshane yeCandelo loVavanyo 0020/2015 (yi-5% kwizifundo ezithathu ukulungiselela u-2017) yaye ukuqaliswa ukusetyenziswa le nkqubo yokunyuselwa komfundi kwiimeko ezizodwa, kuya kuba semva koku, kuphela.
4. Kucetyiswa ukuba izikolo ezisebenzisa iiprogram zeSebe leMfundo leNtshona Koloni zokurekhoda nokwenza iiripoti (*WCED recording and reporting programmes*) kumaBakala 7, 8 no-9, mazilandele le nkqubo ichazwe apha ngezantsi:
  - 4.1 Ziya kucelwa izikolo zikhuphele (*download*) iiprogram ezintsha zamaBakala 7, 8, no-9 kwi-CEMIS (**2017 Version 3**) kwikota **4 ka-2017** zize zizivule (*import*) iifayili zazo ezikhoyo ukulungiselela ukuzenza iinguqulelo (*versions*) ezintsha.

- 4.2 Inqubo ecacisa amanyathelo alandelelanayo (*step-by-step procedure*) iya kubonelelwa kwi-CEMIS zakuba zifakiwe (*uploaded*) iiprogram ze-Version 3. Kucingelwa ukuba iiprogram ze-Version 3 ziya kufumaneka ungalulanga owe-30 Oktobha 2017. Inqubo yokutshintsha amanqaku neyokunyuselwa kwabafundi iya kuzenzekela ngokupheleleyo (*completely automated*).
- 4.3 Ziya kuboniswa ngokuzenzekelayo (*automatically*) ezi nguqu kwishedyuli, kwikhasi lokungqinisisa (*verification page*) nakwikhadi i-report card.
5. Izikolo ezisebenzisa iiprogram zazo zokurekhoda nokwenza iiripoti nezinabafundi abaya kuchaphazeleka kule nkqubo yonyuselo yeemeko ezizodwa, maziyenze le nkqubo njengoko ichaziwe kule Setyhula - *DBE National Assessment Circular 1 ka-2017* eqhotyoshelweyo (**IsiHlomelo A**) ekupheleni konyaka.
6. Ishedyuli ehlaziyiweyo, ilisti yabafundi abanamanqaku atshintshwe apha naphaya nekhasi lokungqinisisa (*verification page*) maziprintwe zize zingeniswe kumphathi wesekethe ukulungiselela ukungqinisiswa kwazo ekupheleni konyaka.
7. Apho kuyimfuneko, imo yokugqibela yokupasa komfundi ukuya kwelinye ibakala (*final promotion status of learners*) kwi-CEMIS, mayifakwe ngolu hlobo "*Promoted with Mathematics condonation*".
8. Kucelwa niqaphele ukuba le nkqubo yokunyuselwa isebenza kuphela ngo-2017 kumaBakala 7, 8 no-9.
9. Kwimeko yabafundi beBakala 9, makuqatshelwe ukuba abafundi abangawafumaniyo amanqaku angu-30% kwiMathematika (emva kokuvunywa kokunyuselwa kwabo), abayi kuvunyelwa bayenze iMathematika kwiBakala 10. Abafundi abalolu hlobo banokubhalisela i-*Mathematical Literacy*. Esi sigqibo siya kuzichaphazela ngokunjalo iindibanisela zezifundo (i-*Physical Sciences* ne-*Accounting* ezifuna i-Mathematika).
10. Le nkqubo ingentla yokunyuselwa kwabafundi kwiimeko ezizodwa ayizitshintshi nangayiphi na indlela, iimfuno ezimiselweyo zeeprogram zezifundo okanye iimfuno ezimiselweyo zeeprogram zezifundo kwiSigaba saBadala.
11. Ziyacelwa iinqununu ukuba zazise okuqulethwe kule ngcaciso imfutshane bonke ootitshala bamaBakala 7, 8 no-9 ukuze bakuthathele ingqalelo.

**ISAYINWE:** NGU-PAD BEETS

**USEKELA MLAWULI-JIKELELE WOLAWULO LWEKHARITYHULAM NOVAVANYO**

**UMHLA:** 2017-09-12